

vitam æternam ulli hominum promiserit, ut qui hanc promissio-
nem reservaverat novo fæderi, quod per Evangelium Jesu Chri-
sti nobiscum erexit. Et qui possent docere Socinise qui aliter,
cùm in Catechismo Racoviensi Majori, qui auctore Val-
Smalcio nomine Ecclesiarum Photinianarum in Polon.
anno 1608. prodiit, & Photinianorum liber quasisymbolicus
est, unanimiter profiteantur, nullam in lege Mosis uspiam
reperiri vitæ æternæ promissionem. p. 232. videri tamen, fu-
isse in populo DEI etiam ante Christi adventum spem vitæ
æternæ, cùm nil obstet, quòd minùs id quoque à DEO spera-
ri possit, quod ab eo non promissum. Si ex Magistris his, qui
præ omnibus Ecclesiæ Dd. solos se acutum videre persua-
sum sibi habent, caussam quæras, unde constet, quòd nul-
lam pii in V. T. resurrectionis, atque adeò nec vitæ æternæ
promissionem ac spem habuerint, & quæ vis cogat, ut in di-
Etis illis, in quibus vita absolute piis promittitur, tantum
temporalis intelligatur vita, non simul æterna, respondent
(ita Socinus ep. 5. ad And. Radec.) exinde hoc manifestum
esse, quòd pleriq. exprimoribus inter Judeos sectæ Sadduceorum
(de quibus ex sacris, uti Matth. 22, 23. Marc. 12, 18. &c. satis
edocti sumus, quòd negant resurrectionem, adeòque vitam
æternam) adhæserint, id quod minimè fuisset factum, si ea
in V. T. vel libris Mosaicis extitissent promissa, quæ de vitâ
æterna accipi potuissent. Sed uti falsum est, quòd plerique
ex primoribus Judæorum Sadduceorum sectæ adhæserint;
ita si vel maximè etiam id verum esset, hautquaquam ta-
men ab exemplo Judæorum, qui sive tempore Christi, sive
etiam postea Sadducæis, Epicuri de grege porcis, absque ul-
lâ quippe vitæ melioris spe in diē viventib., sese adsociarunt,
spirituali cœcitate & crassâ sacrarum litterarum
ignorantiâ laborantium illorum (ecce ipse Salvator dudum
in eis hanc notavit) collectio institui ad reliquos universos